

**Demokraatit inatsisartuni ilaasortai**

**Per Berthelsen, Demokraterne**

**Palle Christiansen, Demokraterne**

**Lene Knüppel, Demokraterne**

**Marie Fleischer, Demokraterne**

**Astrid Fleischer Rex, Demokraterne**

Nuummi ulloq 22. maj 2012

**§ 36 naapertorlugu missingersuutit pillugit inatsimmut tunngatillugu demokraatit inatsisartuni ilaasortaasa apeqqutaannut akissut.**

2004-mut naatsorsuutit Inatsisartuni suliarineqarnerat tunngavigalugu Demokratit inatsisartuni ilaasortai missingersuutit pillugit inatsiseqarnerup naleqquttuuneranut tunngasumik naalakkersuisunut apeqquteqarput.

Naalakkersuisut missingersuutit pillugit inatsisip attanneqarnissaa iluatinnartuutippaat, tassami missingersuutit pillugit inatsisip aningaasaqarnikkut isumalluutinik Inatsisartut ataatsimoortumik aningaasaqarnikkut pingaarnersiunerisa malinneqarnissaannik qulakkeerinnittuummat, aningaasanullu inatsiseqarnikkut ukiumoortumik pingaarnersiuiineq kingusinnerusukkut amerlasuunik aningaasaliinissamut qinnuteqaatinit imaluunniit aningaasaliissutiniit nikingassutiniit aalajangiisumik allanngortinneqartussaangimmat. Naalakkersuisut aningaasaliissutininik ingerlatsisussaapput Inatsisartut pingaarnersiuisimanerat malillugu.

Missingersuutit pillugit inatsisip naalakkersuisunut ilaasortanit malinneqarnissaa pillugu Naalakkersuisut suliniutinik qanoq ittunik suliniuteqalersaarnersut pillugu demokraatit apeqquteqarnerat eqqarsaatigalugu ilisimatitsissutigineqarsinnaavoq naalakkersuisut ukiup ingerlanerani aningaasanut inatsimmi kontoni pingaarnerni tamani ataatsimoortumik missingersuummi arlaleriarlutik malittarinneqqittarmata taamaaliornikkullu missingersuutini qaangiisinnaanerit qulajaaffigineqartarlutik. Tassunga atatillugu Naalakkersuisunit

isummerfigineqartarpoq aningaasaliissummi qaangiisoqarsinnaanera illuatungilerniarlugu naalakkersuisoqarfik ataaseq immikkut ittumik suliniuteqassanersoq, imaluunniit ilassutitut aningaasaliissutissanik qin-nuteqarnissamut suliniuteqartoqassanersoq.

Missingersuutit pillugit inatsit malinneqarsimanngippat akisussaaffik qanoq ittoq pisuni aalajangersimasuni pineqarnersoq pillugu Inatsisartut isummertussaapput. Suliaq aalajangersimasoq isornartorsiuinermik, tatiginninnginnermik imaluunniit allatut qisuariartoqarneranik inerneqassanersoq Inatsisartut aalajangertussaavaat. Missingersuutitut inatsimmi § 1, imm. 3-p nalilersornerani aammattaaq eqqarsaa-tigineqassaaq missingersuutitut inatsimmi kapitali 4-mi aningaasaliissutit suuneri atuinissamullu maleruagassat allaaserineqarneri.

Assersuutigalugu ingerlatsinermi aningaasartuutit pillugit § 15 imm. 2-mi allassimavoq aningaasaliissuteqarnikkut Naalakkersuisunut ilaasortaq akisussaasoq missingersuusiordermi tunngavigineqartut naapertorlugit ingerlatsinermit aningaasartuuteqartarnissaminut ingerlatsinermilu isertitaqartarnissaminut piginnaatinneqartassasoq.

§ 16 imm. 4-mi allassimavoq aningaasanut inatsimmi aningaasaliissutit inatsisitigut pisussaaffigisat aningaasartuutissanik missingiinerusartut, taamaammallu aningaasartuutit amerlanerusarsinnaapput ikinnerusarsinnaallutilluunniit. Aningaasaliissutitut naleqqiullugu nikingassutit naatsorsuutitut ilanngunneqartassapput.

Aamma § 19-mi allassimavoq isertitassanut aningaasaliissutitigut Naalakkersuisu-nut ilaasortaq akisussaasoq inatsisitigut pisussaaffigisanut pisussaaffiginngisanullu isertitaqartarnissaminut piginnaatinneqartoq.

Naalakkersuisut aammattaaq isumaqarput aningaasaliissut inatsisip allap kingunerippagu naalakkersuisut isumaat naapertorlugu aningaasaliissutit naatsorsuutillu akornanni nikingasoqarsinnaasoq. Aningaasartuutitut tunngasuni toqqaannartumik tamanna missingersuutit pillugit inatsimmi §

16 imm. 4-mi allassimavoq aamma isertitanut tunngasuni § 19 naalakkersuisut isumaat naapertorlugu inatsimmit allamik tunngaveqartumik taamaaqaataanik isertitaqartoqarsinnaalluni. Assersuuti-galugu akileraarutigut akitsuutitigullu isertitat.

Maannakkut aallartinneqareersimasut saniatigut Naalakkersuisunut ilaasortat missingersuutit pillugit inatsimmik malinninnissaannut immikkut ittumik suliniuteqarnissamut Naalakkersuisut maannakkut pilersaaruteqanngillat. Naalakkersuisut 2005-ip ingerlanerani ingerlaavartumik missingersuutinik malittarinneqqinnerup pitsaane-rulernissaanut arlalinnik suliniuteqarsimapput, tamatumalu ilaatigut kingunerisimallugu immikkoortuni arlalinni ilassutitut aningaasaliinissaq pisariaarussimalluni imaluunniit ilassutitut aningaasaliissuteqarnissaq pillugu qinnuteqaatit Inatsisartut Aningaasaqarnermut Ataatsimiititaliaanut ukiunut siusinnerusunut naleqqiullugu siusinnerusukkut nassiunneqartalerlutik.

Naalakkersuisut isumaqarput missingersuutit pillugit inatsit inatsisit allat assigalugit malinneqassasut. Naalakkersuisunut ilaasortat pineqartut oqartussaaffimmini inatsisit malinneqarnissaannut akisussaasuupput, taamaalilluni oqartussaaffigisami aningaasaliissutit malinneqarnissaat naalakkersuisoqarfiit pineqartut aamma akisussaaffigalugit.

Asii Chemnitz Narup-ip atorfimminiiginnarnissaanut aalajangerner-mut naalakkersuisut isumaqatigiittut tunuliaqutaanerarlugit Naalakkersuisut Siulittaasuata Hans Enoksenip ulloq 22. marts 2006-imi Inatsisartut oqaluttarfianiit oqaaseqarneranut innersuussillutik Demokraatit inatsisit, peqqussutit aamma nalunaarutit akisussaaffigineqarnatik unioqqunneqarsinnaasut tamarmik allattorsimaffiat Naalakkersuisunut noqqaassutigaat.

Naalakkersuisut uparuassavaat suliamut tassunga atatillugu Naalakkersuisut Inatsisartunit peqquneqarsimammata, ullormi oqaluuserisassani pinngitsoortitsiniarluni siunnersuutip

akuerineqarneratigut, Kukkunersiuinermut Ataatsimiititaliap isumaliutissiissutaani pissutsit isorineqartut, soorlu aamma inatsisartut kukkunersiuisuinit avataaneersunit uparuarneqartut, piaarnerpaamik iluarseeqqullugit. Naalakkersuisut pingaartumik malugisassaataat tassavaoq Naalakkersuisunut ilaasortat ataasiakkaat atorfimminnik ingerlatsinerat eqqarsaatigalugu Ataatsimiititaliap sakkortuumik isornartorsiuilluni oqaaseqaatai.

Tassunga atatillugu Naalakkersuisut ilisimatitsissutigissavaat meeqqanut inuussut-tunullu immikkoortumi 2004-mi aningaasaleeqqinnissamut qinnuteqaat Inatsisartut Aningaasaqarnermut Ataatsimiititaliaanut 2004-mi nassiunneqarmat. Tassani meeqqanut inuussuttunullu immikkoortumi atuiallaarnermut tunngasut pissutsit nassuiaaffigineqarput. Naalakkersuisut taamaalillutik taamaallaat inassuteqarsinnaapput, Inatsisartulli tassaapput aalajangiinissamut pisussaaffillit.

Inatsisartut Aningaasaqarnermut Ataatsimiititaliaat taamatullu Inatsisartut aningaa-saleeqqinnissamut qinnuteqaat akuersissutigivaat, tamannalu isumaqarluni Naalakkersuisut isumaqarput suliama matumani naalakkersuisut iliuuseqarsimanerat Inatsisartunit akuerineqartoq. Taamaattumik Naalakkersuisut siusinnerusukkut Ilaqutariinnermut Peqqissutsimullu naalakkersiusup, Asii Chemnitz Narup taamanikkut naalakkersuisut atorfimminiit naalakkersuisut tunuarnissaa tunngavissaqanngitsoq. Inatsisartut taakkuapput aalajangiisussat meeqqanut inuussuttunullu immikkoortumi 2004-mi ilassutitut aningaasaliinissamut qinnuteqarneq Asii Chemnitz Narup-imut kinguneqartinneqarneratik aalajangiisussat. Ullormi oqaluuserisassani pinngitsoortitsiniarluni siunnersuutip akuerineqarneratigut Inatsisartut aalajangerput.

Tamatuma saniatigut oqaatigineqarpoq Kalaallit Nunaanni Politit unnerluussisuutitaasut inatsisunik atuuttunik unioqqutitsinermi misissuinissaminut piginnaatitaasut aamma Kalaallit Nunaanni eqqartuussisoqarneq pillugu inatsit malillugu unnerluussinissaq pillugu

aalajangertussaallutik, kapitali 1, immikkoortoq D (Nalunaarutit A, ukioq 84, qupperneq 39-40).

Naalakkersuisut taamaalillutik isumaqanngillat inatsisit, peqqussutit aamma nalunaarutit akisussaaffigineqarnatik unioqqunneqarsinnaasut tamarmik allattorsimaffiannik suliaqarsinnaallutik.

Ikinngutinnersumik inuulluaqqusillunga

Josef Motzfeldt